



國家清史編纂委員會·文獻叢刊

七編

清代稿鈔本

第三三六冊

國家清史編纂委員會・文獻叢刊

七編

清代稿鈔本

第三三六冊

廣東省立中山圖書館
中山大學圖書館

編

主編 桑兵

副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第三三六冊目錄

麥氏宗譜（廣東）

一

章氏家乘（廣東廣州）

三九五

麥氏宗譜（廣東）

不分卷

麥汝球等 編

鈔本

廣東省立中山圖書館藏

麥村七秀房先代事蹟攷

麥氏族譜譜麥氏之族也麥氏出於笮麥侯據地志及輿圖考厥

有明徵今考萬姓統譜其先世封某國某邑居某官某地而子孫因

以為氏歷歷可稽

國朝乾隆庚寅譜序據此為世系根源良不

誣也或云系本麴姓後去麴為麥如郛邾去日為曾朱夫曾朱之

去日史有實錄而麥之去日何以無聞是耶非耶不可得而知第

自隋以前氏族未著無有能道其詳者迨 鐵杖公生於陳忠於

隋智勇過人勲勞益世初隸楊素麾下以功奏授儀同三司旋徵

授車騎將軍進開府上柱國出為萊州刺史轉汝南太府守遷右屯
衛大將軍後因征遼東殞於陣贈光祿大夫封宿國公謚武烈當此
之時煬帝感公之忠勇既下詔以褒之賜贈以葬之設田以祀之
建樓以榮之復鑿武烈府以旌表之命賢嗣襲爵以寵異之公之
報隋固厚而隋之待公亦不薄也越八百餘載以至明成化十四
年太守江君樸率土人重修公之南樓安太守鄧君應仁贈之以詩
太僕寺少卿同邑人盧君祥為之記江西道監察御史同邑人鄭
君敬為之篆額各致景慕之忱稱道弗衰大德飲人何其深且遠

歟以是知^公之一時果烈千載留名海內之知有麥氏實自此始也
鐵杖生三子長曰孟才授光祿大夫武賁郎將次曰仲才三曰季
才同授正議大夫皆以蔭補官而孟才公為討宇文化及殉節其
忠^烈之氣亘古猶新自是迄唐以及五代數百年來世胄之簪纓書
缺有間皆無可考其後至宋有登饒焉為湖南郴州桂陽縣訓導
登饒生二子長曰文富次曰文貴文富授南康縣教諭陞貴州貴
定縣令其子孫遂加於家貴州文貴初為湖廣行省檢校旋授中
奉大夫翰林院侍講端明殿大學士陞筵英殿集賢學士修宋遼

金三史官至二品引年乞歸累疏不允卒於官後崇祀鄉賢文貴
生三子長曰昆璧次曰昆泰三曰三璧昆璧知濟源縣事三璧為
平隴縣教諭三璧生五子長曰必榮次曰必秀三曰必達四曰必端五
曰必雄皆承恩寵^原俱居南雄府始興縣沙水珠璣巷柯樹下大井
頭井及百順里世守先人之廬墓亦云樂土奈宋南渡時兵陷南
雄衣冠之士避地而居兄弟五人挈眷携男始至香山黃角僑寓
寄廬以待時清及海宇承平各以山水自適無復歸志時必雄公
未受^室眷戀故鄉復同沙水珠璣巷凡先代田園居肆皆公有焉後

往香山黃角探尋諸兄叙一家天倫之樂而諸兄之後有居廣州
香山者有居東莞新安南海番禺等縣者公見岡州新會勝地名
區遂家焉厥後 國朝順治八年辛卯改開平雍正十年壬子又
置鶴山隸屬肇慶是以廣肇諸郡縣始有麥氏開基成族支孫蕃
衍故東莞新安之麥皆宗奉政大夫必榮南海之麥皆宗江西南
康令必秀香山黃角之麥皆

必達番禺之麥皆宗

必端新會開平鶴山之麥皆宗四鄉官必雄五必公裔復有
居別府別縣各譜自誌不能悉數外此而凡有麥氏皆宗鐵杖蓋

自鐵杖至五必公凡十六世矣又自始遷祖必雄長子七秀厯四
傳^以至理正時時正保實保平居開平鶴山麥村分為四大房皇恩
疊錫理正^為廓村鄉之始特授高州教諭時正為東頭鄉之始例贈
中憲大夫保實子承宗知北海郡事為烏石麥邊鄉之始特授忠
武校尉知錦衣衛事保平為榕樹下鄉之始其後子孫俾昌功名
鼎盛備載本譜茲不臚列而凡四房中有徙居異縣異鄉者如由
廓村而遷新寧冲婁則宗觀清遷開平赤墘則宗西岐由東頭而
遷同邑雙都四合則宗觀諱象一由榕樹下而遷高要洞口則宗

保真遷新會竹橋則宗朝保號旭廉遷新興雲則宗秀輕遷新甯
莘村則宗是勲諱應傑皆已知根本由七秀來七秀來也而猶有
未知者詳誌譜內俾厥後人追尋宗祖皆不忘其所自出云爾

皆

光緒三十四年歲次戊申春時正房裔孫附貢汝球敬錄

七秀房家譜序

世嘗說譜牒之學惟歐陽公為精審耳然其所著唐宰相世系表
於巨族既推其本源出於某帝某王又歷叙漢世名賢如瑯琊王

氏已稱出周靈王子晉之後而又叙王吉王駿之系蘭陵蕭氏已稱出帝嚳之後而又叙蕭何望之之系相承不絕如屈伸指而數庭樹略無參稽猶豫之辭公嘗譏司馬遷不能闕疑後人又譏歐陽氏不善闕疑所謂目能見千里而不能自見其睫也君子慎度身世信諸心則蒙大難決大計而不懼未信諸心則雖坦途而不肯輕視於其臨文亦若是焉耳余家麥氏之始相傳麴姓西晉時有麴鯁丞相者是其裔也為殷湯之後竊怪其事蹟不見於他書舊譜於何取徵而象山陸君為祿源公撰宗譜序亦據以為然誠

不知信歟否歟茲弗深辨第以賜姓受氏始於隋鐵杖公本貫南
雄之始興至宋五必公因避兵遷徙散處於廣肇諸郡縣家譜之
修前不可知如譜內所載一見於時正公保平公偕諸兄理正公
保實公等迨 國朝乾隆庚寅各房諸公同詣南府重修必雄公
墓得宗人所藏舊譜參訂修纂先世之庸敏英達奮迹師中積功
累勞珥貂相望簪紱雲興皆著於錄門閭日益光大矣予不揣譾
陋欲重訂家譜因取舊本披覽見所載先正撰序帝虎魯魚疊出
層見而猶幸祖宗名字職銜各本相符無煩追尋考核由是述其

可知者汰其可疑者不敢謂盡愜於前型惟求無歉於吾心今歲
春編輯甫成與族屬諸秀士等校對明確垂諸奕禩庶幾子子孫
孫繼繼繩繩承承永世而勿替後有志增修者將見飲水思源厯
百世而不忘所自分枝發葉延萬代而預卜其昌謹誌

皆

光緒三十四歲次戊申春時正房裔孫附貢汝球敬誌

理正房裔孫附貢 華

保平房裔孫附貢灝源

辨謫

保實房裔孫邑庠廷愷

武舉定邦

附貢愷元

附貢錫華

全校

附貢漸鴻

附貢葆熙

粵稽舊譜相傳宋咸淳年間五必公自南雄遷徙不知如何錯誤

今以年代總計自隋開皇元年辛丑計至今上光緒三十四年戊申共一千三百二十八年以三十年為一世計之應得四十四世今各房支孫皆有四十四傳與朱子釋論語如有王者必世而後仁章註世字云三十年為一世適相符合考舊譜自鐵杖公傳至五必公十六世應得四百八十年今計自隋開皇至宋咸鴻元年有六百八十五年應傳二十三世方符其數何以僅得十六傳又計自宋咸鴻至今上光緒戊申得六百四十四年應傳二十二世何以多至二十八傳年數多而世數次反少年數少而世次反多